

შ.პ.ს. “საქართველოს ტელერადიოცენტრი”



კონსტრუქციის მასალებისა და ანალოგიური საგნების/ნივთების
შესყიდვის გამარტივებული ელექტრონული ტენდერის

სატენდერო დოკუმენტაცია

ქ.თბილისი

2011 წელი

სარჩევი

1. ინსტრუქცია ტენდერში მონაწილეთათვის -----	3
2. საკვალიფიკაციო მოთხოვნები -----	8
3. ტექნიკური დავალება -----	9
4. დამატებითი ინფორმაცია -----	11
5. სახელმწიფო შესყიდვების შესახებ ხელშეკრულების პროექტი -----	12
6. დანართი №1, აფიდავიტის საილუსტრაციო ფორმა -----	18
7. დანართი №2 პრეტენდენტის რეკვიზიტები -----	19
8. დანართი №3 ფასების ცხრილი -----	20

1. ინსტრუქცია ტენდერში მონაწილეობის

- 1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის “სახელმწიფო შესყიდვების შესახებ” და “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” შესაბამისად.
- 1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ.დანართი №1.
- 1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური (ელექტრონული სისტემის მეშვეობით).
- 1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.
- 1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან წინასწარი შეთანხმებით, ტექნიკური დოკუმენტაციის სისტემაში ატვირთვამდე “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” შესაბამისად გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადებების წარდგენისა და შესაბამისად, ტენდერში მონაწილეობის შესაძლებლობა.
- 1.6 ამ ინსტრუქციის 1.5. პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.
- 1.7 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.
- 1.8 პრეტენდენტის მიერ წარდგენილი სატენდერო წინადადება ძალაშია “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის “ე”, “რ” ან “ტ” ქვეპუნქტებით გათვალისწინებული ეტაპის დადგომამდე.
- 1.9 სატენდერო წინადადება შედგება ტექნიკური დოკუმენტაციისა და სისტემის შესაბამის ველში მითითებული შესყიდვის ობიექტის ფასისაგან.

- 1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტებისა.
- 1.11 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა სისტემის შესაბამის ველში მიუთითოთ თქვენი სატენდერო წინადადების ფასი (ეროვნულ ვალუტაში), კანონმდებლობით გათვალისწინებული ყველა გადასახადის გათვალისწინებით. ამასთან, საგულისხმოა, რომ თუ სატენდერო განცხადებით გათვალისწინებულია წინადადების ფასის დღგ-ს გარეშე წარდგენა, პრეტენდენტი წინადადების ფასში არ ითვალისწინებს დღგ-ს, მიუხედავად იმისა არის თუ არა დღგ-ს გადამხდელი საქართველოს კანონმდებლობის შესაბამისად. ასეთ შემთხვევაში შერჩევა-შეფასება ხორციელდება წარმოდგენილი წინადადების ფასების მიხედვით. ხოლო შემდგომ, შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ს ოდენობა, თუ ხელშეკრულების დადების მომენტისათვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.
- 1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ გაჭრობაში, რომელიც იყოფა ძირითად დროდ და დამატებით 3 (სამი) რაუნდად.
- 1.13 ძირითად დროში უფლება გაქვთ ცვალოთ თქვენი ფასი კლებადობის პრინციპის გათვალისწინებითა და შემსყიდველის მიერ განსაზღვრულ ბიჯზე არანაკლები ოდენობით.
- 1.14 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.
- 1.15 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.
- 1.16 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარდგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი. პრეტენდენტის მიერ იგივე ფასის სისტემის შესაბამის ველში ხელმოწერა მითითება განიხილება ფასის ხელახლა წარდგენად.
- 1.17 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

- 1.18 იმ შემთხვევაში, თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.
- 1.19 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს (ანუ, არ შეიცავს ისეთ მონაცემებს ან/და შეიცავს ისეთ უზუსტობებს, რომელთა წარმოდგენა ან/და დაზუსტებაც არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე) შემსყიდველი მას განუსაზღვრავს გონივრულ ვადას, მაგრამ არაუმეტეს 3 (სამი) სამუშაო დღისა, ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე. იმ შემთხვევაში, თუ სატენდერო დოკუმენტაციით გათვალისწინებულია შესყიდვის ობიექტის ნიმუში წარმოდგენა, სატენდერო კომისია ნიმუშის წარმოდგენის მოთხოვნით პრეტენდენტს მიმართავს სატენდერო დოკუმენტაციით განსაზღვრულ ვადაში. (ნიმუშის წარმოდგენის მოთხოვნა დასაშვებია საკვალიფიკაციო მონაცემების წარმოდგენის მოთხოვნამდე). ნიმუშის განსაზღვრულ ვადებში წარმოდგენლობა ან მისი შეუსაბამობა სატენდერო განცხადების ან/და სატენდერო დოკუმენტაციის მოთხოვნებთან, ან სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-13 მუხლის მე-2 პუნქტის “ა” ქვეპუნქტის საფუძველზე (ამ ინსტრუქციის 1.22.პუნქტის “ი” ქვეპუნქტი), გარდა იმ შემთხვევისა, როდესაც შეუსაბამობა გამოწვეულია პრეტენდენტის არაკეთილსინდისიერი ქმედებით. პრეტენდენტის მიერ წარმოდგენილი ნიმუში დაზუსტებას არ ექვემდებარება და მისი უკან დაბრუნება ხდება გონივრულ ვადაში. (გარდა იმ შემთხვევისა, როდესაც ნიმუში მალფუნქციონირებს).
- 1.20 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოების მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც განუსაზღვრავს გონივრულ ვადას, მაგრამ არაუმეტეს 5 სამუშაო დღისა. ამასთან, საკვალიფიკაციო მონაცემების დამადასტურებელი დოკუმენტები გაცემულ უნდა იყოს:
- ა) გამარტივებული ელექტრონული ტენდერის შემთხვევაში – “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის “კ” ქვეპუნქტით გათვალისწინებული ეტაპის დაწყების შემდეგ; ხოლო არარეზიდენტი პრეტენდენტის შემთხვევაში – ამავე ქვეპუნქტით გათვალისწინებული ეტაპის დაწყებამდე არაუგვიანეს 30 დღისა;
 - ბ) ელექტრონული ტენდერის შემთხვევაში – “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის “ლ” ქვეპუნქტით გათვალისწინებული ეტაპის დაწყების შემდეგ; ხოლო არარეზიდენტი პრეტენდენტის შემთხვევაში – ამავე ქვეპუნქტით გათვალისწინებული ეტაპის დაწყებამდე არაუგვიანეს 30 დღისა;
- 1.21 იმ შემთხვევაში, თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენიდან არაუგვიანეს 5 (ხუთი) სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.
- 1.22 პრეტენდენტი ექვემდებარება დისკვალიფიკაციას მხოლოდ შემდეგ შემთხვევებში:

- ა) თუ მის მიერ წარმოდგენილი ტექნიკური დოკუმენტაცია, “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-12 მუხლის მე-5 და მე-6 პუნქტების გათვალისწინებით, არ შეესაბამება სატენდერო განცხადებას ან/და სატენდერო დოკუმენტაციას;
- ბ) თუ პრეტენდენტი უარს იტყვის თავის სატენდერო წინადადებაზე;
- გ) თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;
- დ) თუ ის არ დააზუსტებს ტექნიკურ დოკუმენტაციას ამ ინსტრუქციის 1.19 პუნქტით განსაზღვრულ ვადაში.
- ე) თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მოთხოვნათა დაცვით;
- ვ) თუ ის არის “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-15 მუხლის პირველ პუნქტით გათვალისწინებული გამარჯვებული პრეტენდენტი და უარს აცხადებს სახელმწიფო შესყიდვის შესახებ ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის გარანტიას (ამგვარი გარანტიის წარმოდგენის შესახებ მოთხოვნის არსებობის შემთხვევაში);
- ზ) თუ სახელმწიფო შესყიდვის შესახებ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას;
- თ) თუ ის უარს იტყვის შეხერხებული ტენდერის პროცედურების გაგრძელებაში მონაწილეობაზე “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-18 მუხლის მე-3 პუნქტით გათვალისწინებულ შემთხვევაში ამავე პუნქტით დადგენილი წესით;
- ი) თუ ის “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-11 მუხლის მე-3 პუნქტით დადგენილი წესის შესაბამისად, სატენდერო დოკუმენტაციით განსაზღვრულ ვადაში არ წარმოადგენს ნიმუშს, ან დადგენილ ვადაში მის მიერ წარმოდგენილი ნიმუში შეუსაბამოა სატენდერო განცხადების ან/და სატენდერო დოკუმენტაციის მოთხოვნებთან ან სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან. (აღნიშნულ შემთხვევაში პრეტენდენტის დისკვალიფიკაცია ხორციელდება ამ ინსტრუქციის 1.22. პუნქტის “ა” ქვეპუნქტის საფუძველზე – ანუ “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-13 მუხლის მე-2 პუნქტის “ა” ქვეპუნქტის საფუძველზე, გარდა იმ შემთხვევისა, როდესაც შეუსაბამობა გამოწვეულია პრეტენდენტის არაკეთილსინდისიერი ქმედებით);

1.23 ამ პუნქტის 1.22. ქვეპუნქტით გათვალისწინებულ შემთხვევებში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24 გამარტივებული ელექტრონული ტენდერის ან ელექტრონული ტენდერის ჩატარებისას, “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის “ქ”, “რ”, და “ტ” ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

- ა) პრეტენდენტი უარს იტყვის თავის სატენდერო წინადადებაზე;
- ბ) პრეტენდენტი შეეცანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-13 მუხლის მე-2 პუნქტის “ბ”, “გ”, “ე”–“ზ” ქვეპუნქტების შესაბამისად; (ამ ინსტრუქციის 1.22.პუნქტით გათვალისწინებულ: “ბ”, “გ”, “ე”, “ე”, “ზ” შემთხვევებში);

1.25. იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24. პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26. ელექტრონული ტენდერის შეწყვეტა და შეჩერება:

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება ამ შესყიდვის ობიექტის საბაზრო ღირებულებას;

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს (ან შეჩეროს) შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის (ან შეჩერების) შემთხვევაში შემსყიდველი ორგანიზაცია ვალდებული არ არის პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზეც მიიღო ეს გადაწყვეტილება. შესყიდვის პროცედურების შეწყვეტის (ან შეჩერების) შემთხვევაში შემსყიდველი ორგანიზაცია ვალდებული არ არის აუნაზღაუროს პრეტენდენტებს შესყიდვაში მონაწილეობასთან დაკავშირებული ხარჯები;

დ) შესყიდვის პროცედურების შეჩერების შემდგომ იმავე ობიექტის შესყიდვის გადაწყვეტილების მიღების შემთხვევაში პროცედურების გაგრძელებისათვის გამოიყენება “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-18 მუხლით დადგენილი წესები;

1.27 ელექტრონულ ტენდერთან ან გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.28 უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭედის არსებობის შემთხვევაში) უნდა იყოს უფლებამოსილი პირის მიერ.

1.30 ხელშეკრულების ფორმა და ტიპური პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება და შეივსება სპეციფიკური პირობებით სატენდერო წინადადების შესაბამისად.

1.31 პრეტენდენტს არ აქვს უფლება წარმოადგინოს ალტერნატიული წინადადება.

2 საკვალიფიკაციო მოთხოვნები

2.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირებისათვის:

- ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- ბ) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

2.1.2. ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- ბ) მეწარმის სარეგისტრაციო მოწმობა;

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემული უნდა იყოს:

- ა) გამარტივებული ელექტრონული ტენდერის შემთხვევაში – “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” მე-2 მუხლის პირველი პუნქტის “კ” ქვეპუნქტით გათვალისწინებული ეტაპის დაწყების შემდეგ; ხოლო არარეზიდენტი პრეტენდენტის შემთხვევაში – ამავე ქვეპუნქტით გათვალისწინებული ეტაპის დაწყებამდე არაუგვიანეს 30 დღისა;

2.3. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნის შესაბამისად. აღნიშნული დოკუმენტების წარმოდგენის კონკრეტულ ვადას ადგენს სატენდერო კომისია, თუმცა არაუმეტეს 5 (ხუთი) სამუშაო დღისა. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილ უნდა იქნას ქართულ ენაზე. არაზედიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენებით ან მისი გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

3 ტექნიკური დავალება

3.1 ამ ინსტრუქციის მე-3 მუხლით (ტექნიკური დავალება) განსაზღვრულ ყველა მოთხოვნაზე პრეტენდენტის საპასუხო ინფორმაციის წარმოდგენა სავალდებულოა, ამასთან, ამ ინსტრუქციის მე-3 მუხლით (ტექნიკური დავალება) განსაზღვრული ნებისმიერი ინფორმაცია და დოკუმენტი პრეტენდენტის მიერ ატვირთული უნდა იქნეს სისტემაში სატენდერო წინადადებასთან ერთად.

3.2 შესყიდვის ობიექტია კონსტრუქციის მასალები და ანალოგიური საგნები/ნივთები ქვემოთმოყვანილ ცხრილში წარმოდგენილი ოდენობების, მახასიათებლების, ზომების, დასახელებების/მარკების შესაბამისად:

№	კლასიფიკატორ ჯგუფი/კლასი/ კატეგორია	დასახელება ან/და მარკა ან/და სტანდარტი (და მოკლე დახასიათება)	განზომილების ერთეული	რაოდენობა
1	44191000	დახერხილი ხის მასალა, მშრალი, (0,04X0,2X3მ), ჩამოგანული და რეისმურში გატარებული;	მ³	12
2	44191000	დახერხილი ხის მასალა, მშრალი, (0,04X0,2X3მ), ჩამოგანული;	მ³	9
3	44191000	დახერხილი ხის მასალა, მშრალი (0,8X0,5X6მ)	მ³	2
4	44111900	მეტლახის ფილა, (8მX33სმX33სმ), ფერის შემსყიდველთან შეთანხმებით	მ²	40
5	44111200	პორტლანდცემენტი (წილით) M400, EN197-1 ევროპული სტანდარტი; ISO 9001-2000 სტანდარტის სერტიფიკატით. 50კგ-იანი ტომრებით;	ტომარა	378
6	44111200	დეკორატიული ცემენტი 50კგ-იანი ტომრებით;	ტომარა	12
7	44111200	წებოცემენტი 25კგ-იანი ტომრებით;	ტომარა	10
8	44111700	თაბაშირმუყაოს ნესტგამძლე ფილა, სისქით არანაკლებ 12,5მმ, სიგრძით არანაკლებ 2,5მ, სიგანით არანაკლებ 1,2მ;	მ²	560
9	44191200	ლამინირებული იატაკები (სტანდარტული ზომის პლინტუსებით), იატაკები სისქით არანაკლებ 8,3მმ; ხარისხი არანაკლებ L-34;	მ²	223
10	44192200	ლურსმანი N 120 (სიგრძით 120მმ)	კბ	20
11	44192200	ლურსმანი N 100 (სიგრძით 100მმ)	კბ	20
12	44192200	ლურსმანი N 80 (სიგრძით 80მმ)	კბ	30
13	44192200	ლურსმანი შეკიდული ჭერისათვის (მოთუთიებული) N 30 (სიგრძით 30მმ)	კბ	30
14	44192200	შიფერის ლურსმანი	კბ	20
15	44165200	ლითონის კვადრატული მილი 6 მეტრიანი, პროფილით 2X70X70მმ	გრძივი მეტრი	30
16	44165200	ლითონის კვადრატული მილი 6 მეტრიანი, პროფილით 2X50X50მმ	გრძივი მეტრი	24
17	44165200	ლითონის კვადრატული მილი 6 მეტრიანი, პროფილით 2X20X20მმ	გრძივი მეტრი	100
18	44172000	მოთუთიებული თუნუქი 0,5X1000X2000მმ	მ²	30
19	44172000	მოთუთიებული დაშიფერებული თუნუქი 0,5X900X2000მმ	მ²	24
20	44172000	დაშიფერებული შავი თუნუქი 0,5X900X2000მმ	მ²	30
21	44172000	ლითონის ფურცელი სისქით 2,5მმ	მ²	35
22	44112500	ლინოკრონი I ფენა, ქსოვილზე, ტიპი ТПН, 15მ² რულონებით	რულონი (15 მ²)	32

23	44112500	ლინოკრონი II ფენა, ქვიშის შემავესებლით, ტიპი ТКП, 10მ ² რულონებით	რულონი (10 მ ²)	50
24	44113610	რბილი გადახურვისქვეშა ბიტუმოვანი პრაიმერი	კგ	210
25	44111100	აგური	ცალი	600
26	44111600	სამშენებლო ბლოკი 0,2X0,2X0,4მ	ცალი	800
27	44111520	პენოპლასტის თბოსაიზოლაციო ფილები სისქით არანაკლებ 5სმ	მ ²	130
28	44112230	ლინოლეუმი, თექაზე ან კაუნუკზე, სისქით არანაკლებ 3მმ, სიგანით არანაკლებ 2მ	მ ²	250
29	44112220	იატაკის რბილი საფარი (კაერალინი), მუქი ფერი, ერთფეროვანი, ფიგურების გარეშე, სისქით არანაკლებ 8მმ, სიგანით არანაკლებ 2მ	მ ²	320
30	44111510	აკვარიუმის სილიკონი, IDH 1090578, 310მლ ქილებით	ქილა	150
31	44192100	ქლორვინილის ქაფი, 750მლ ქილებით	ქილა	100
32	44173000	ხის პლინთუსი, სიმაღლით არანაკლებ 4სმ	გრძივი მეტრი	330
33	44173000	ხის კუთხოვანა პროფილით 40X40მმ	გრძივი მეტრი	52

***** შენიშვნა: ცხრილში მოცემული სამნიშნაანი განზომილება (მაგ: 0,4X0,5X0,2) ნიშნავს: 0,4 სისქე; 0,5 სიგანე; 0,2 სიგრძე; ასევე ცხრილში მოცემული განზომილებები: მ-მეტრი, მმ-მილიმეტრი, სმ-სანტიმეტრი, მ²-კვადრატული მეტრი, მ³-კუბური მეტრი;**

3.3 ზემოთმოცემულ ცხრილში ჩამოთვლილი შესყიდვის ობიექტის ყველა ერთეული უნდა იყოს ახალი (უხმარი).

3.4 შესყიდვის ობიექტის (საქონლის) მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად, ამგვარი მოთხოვნის წერილობითი ფორმით გაკეთებიდან არაუგვიანეს 5 დღისა. მიწოდება უნდა განხორციელდეს შემსყიდველის კუთვნილ შემდეგ სატელევიზიო სადგურებში: ქთბილისის სატელევიზიო გადამცემი სადგური, ჩოხატაურის სატელევიზიო გადამცემი სადგური, ოზურგეთის სატელევიზიო გადამცემი სადგური, ონის სატელევიზიო გადამცემი სადგური, ყვარელის სატელევიზიო გადამცემი სადგური, თელავის (ცივი) სატელევიზიო გადამცემი სადგური, ჯვარის (სოფ. ჩქვალერი) სატელევიზიო გადამცემი სადგური, ბოლნისის სატელევიზიო გადამცემი სადგური. თითოეულ ზემოხსენებულ სადგურში მისაწოდებელი საქონლის ოდენობები დაზუსტდება და მიეთითება შემსყიდველის შესაბამის წერილობით მოთხოვნაში (მიწოდების შესახებ).

3.5 შესყიდვის ობიექტის სრულად მიწოდება უნდა განხორციელდეს არაუგვიანეს 2011 წლის 30 ოქტომბრისა.

3.6 მიწოდებულ საქონელს (ყოველ მიწოდებულ პარტიას) თან უნდა ახლდეს ხარისხის დამადასტურებელი სერთიფიკატი ან/და სხვა რაიმე დოკუმენტი, რითაც დასტურდება მიწოდებული საქონლის შესაბამისობა 3.2. პუნქტში მოცემულ ცხრილში წარმოდგენილ მონაცემებთან (პარამეტრებთან) მიმართებაში. ამასთან, მიწოდების პარალელურად, მიმწოდებელმა უნდა წარმოადგინოს შესაბამისი სასაქონლო ზედნადები და საგადასახადო ანგარიშ-ფაქტურა (ანგარიშ-ფაქტურა შესაძლებელია წარმოდგენილ იქნეს ელექტრონული ფორმით).

3.7 შესყიდვის ობიექტი (საქონელი) მიწოდებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდგომ, რომლის საფუძველია ამ ტენიკური დავალების 3.6. პუნქტში აღნიშნული დოკუმენტაცია.

3.8 ანგარიშსწორება მიმწოდებელთან განხორციელდება ლარში, უნაღდო ანგარიშსწორებით, მიმწოდებლის საბანკო ანგარიშზე თანხის გადარიცხვით.

- 3.9 ანგარიშსწორება განხორციელდება საქონლის მიწოდების შემდგომ, ფაქტიურად მიწოდებული საქონლის ოდენობის შესაბამისად, 3.6. პუნქტით გათვალისწინებული დოკუმენტების წარმოდგენისა და მათ შესაბამისად 3.7. პუნქტის საფუძველზე მიღება-ჩაბარების აქტის გაფორმებიდან 10 დღის ვადაში. ამ პუნქტით გათვალისწინებული დოკუმენტების წარმოდგენლობის შემთხვევაში, შემსყიდველი არ მოახდენს ანგარიშსწორებას მიმწოდებელთან.
- 3.10 წინასწარი ანგარიშსწორების პირობა არ განიხილება.
- 3.11 ხელშეკრულების უზრუნველყოფის საბანკო გარანტია არ მოითხოვება.
- 3.12 პრეტენდენტმა უნდა წარმოადგინოს რეკვიზიტები დანართი №2-ის შესაბამისად.
- 3.13 პრეტენდენტმა უნდა წარმოადგინოს ფასების ცხრილი დანართი №3-ის შესაბამისად.
- 3.14 სატენდერო წინადადების საერთო ფასი (ასევე ერთეულის ღირებულებები) გამოსახული უნდა იყოს ეროვნულ ვალუტაში საქართველოს კანონმდებლობით გათვალისწინებული ყველა გადასახადის გათვალისწინებით. ნებისმიერი ხარჯი, რომელიც არ არის გათვალისწინებული სატენდერო წინადადების ფასში არ იქნება ანაზღაურებული შემსყიდველის მიერ.
- 3.15 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. უცხოენოვან დოკუმენტსა და მის ქართულ ენაზე შესრულებულ თარგმანს შორის შეუსაბამობის შემთხვევაში, პრიორიტეტი მიენიჭება ქართულ ვარიანტს.
- 3.16 პრეტენდენტს არ აქვს უფლება წარმოადგინოს ალტერნატიული წინადადება.
- 3.17 ხელშეკრულება მიმწოდებელთან დაიდება ამ სატენდერო დოკუმენტაციის მე-5 თავში წარმოდგენილი ფორმის (და პირობების) შესაბამისად.

4. დამატებითი ინფორმაცია

- 4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქთბილისი, 0105, მთაწმინდა, ფუნიკულიორის ზედა პლატო, შ.პ.ს. “საქართველოს ტელერადიოცენტრი”; საკონტაქტო პირები: დავით ტაბლიაშვილი, ტელ: +995 32 368116; 877 243444; და ნიკა ცაგურიშვილი, ტელ: 877 243400;

5. სახელმწიფო შესყიდვის შესახებ ხელშეკრულების პროექტი

ხელშეკრულება

სახელმწიფო შესყიდვის შესახებ №

ქთბილისი

“ — ” ————— 2011 წ.

ერთის მხრივ, შ.პ.ს. “საქართველოს ტელერადიოცენტრი” (შემდეგ – “შემსყიდველი”) წარმოდგენილი მისი დირექტორის გიორგი დეკანოსიძის სახით და მერეს მხრივ, ----- (შემდგომში – “მიმწოდებელი”) წარმოდგენილი მისი ----- სახით, “სახელმწიფო შესყიდვების შესახებ” საქართველოს კანონის და კონსტრუქციის მასალების და ანალოგიური საგნების/ნივთების სახელმწიფო შესყიდვის მიზნით № SPA----- გამარტივებული ელექტრონული ტენდერის ჩატარების შედეგად, პრეტენდენტის (-----) მიერ წარმოდგენილი სატენდერო წინადადების საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას.

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

“ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) – “სახელმწიფო შესყიდვების შესახებ” საქართველოს კანონის ფარგლებში შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მოელი დოკუმენტაციით, რომლებზეც ხელშეკრულებაში არის მინიშნებები.

“შემსყიდველი” (დამზღვევი) – ორგანიზაცია (საწარმო), რომელიც ახორციელებს შესყიდვას.

“მიმწოდებელი” (მზღვეველი) – პირს, რომელიც ახორციელებს მომსახურებას ხელშეკრულების ფარგლებში.

“ხელშეკრულების ღირებულება” – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის; “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საგანია გამარტივებული ელექტრონული ტენდერის საშუალებით კონსტრუქციის მასალების და ანალოგიური საგნების/ნივთების შესყიდვა, წინამდებარე ხელშეკრულებით და მისი დანართებით გათვალისწინებული პირობების შესაბამისად. (CPV კოდი – 44100000 კონსტრუქციის მასალების და ანალოგიური საგნები/ნივთები, კერძოდ ყველაზე დეტალური CPV კოდები – 44191000; 44111900; 44111200; 44111700; 44191200; 44192200; 44165200; 44172000; 44112500; 44113610; 44111100; 44111600; 44111520; 44112230; 44112220; 44111510; 44192100; 44173000);
- 2.2. ხელშეკრულებით გათვალისწინებული შესყიდვის ობიექტის ზუსტი დასახელებები, და სხვა ინფორმაცია (რაოდენობა, პარამეტრები, მახასიათებლები, სტანდარტები და ფასი ერთეულის მიხედვით) მოცემულია წინამდებარე ხელშეკრულების დანართში (დანართი №1: სატენდერო დოკუმენტაციის მე-3 თავი “ტექნიკური დავალება” და დანართი №2: ----- ის სატენდერო წინადადება), რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. შესყიდვის ობიექტის (მისაწოდებელი საქონლის) ღირებულება განისაზღვრება ლარებში და შეადგენს -----
(-----) ლარს, აღნიშნულ თანხა მოიცავს საქართველოს კანონმდებლობით
გათვალისწინებულ ყველა გადასახადსა და გადასახდელებს.

4. მხარეთა ვალდებულებები

- 4.1 მიმწოდებელი ვალდებულია ამ ხელშეკრულებით დადგენილ ვადებში განახორციელოს შესყიდვის ობიექტის მიწოდება, ამავე ხელშეკრულებით და მისი დანართებით განსაზღვრული პარამეტრების დაცვით. იგი პასუხისმგებელია მიწოდებული საქონლის ხარისხსა და ვარგისიანობაზე.
- 4.2 შემსყიდველი უფლებამოსილია უარი განაცხადოს უხარისხო საქონლის მიღებაზე.
- 4.3 შემსყიდველს უფლება აქვს შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.
- 4.4 შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას მიწოდებული საქონლის ღირებულება.
- 4.5 თითოეულ მხარეს უფლება აქვს მოითხოვოს მეორე მხარისაგან ამ ხელშეკრულებით ნაკისრი ვალდებულებების დროულად, ჯეროვნად და კეთილსინდისიერად შესრულება.
- 4.6 თითოეულ მხარეს უფლება აქვს მოითხოვოს და მიიღოს მეორე მხარის მიერ ამ ხელშეკრულებით ნაკისრი ვალდებულებების შეუსრულებლობით, ან მათი არაჯეროვნად, არაკეთილსინდისიერად ან/და არადროულად შესრულებით გამოწვეული ზიანის ანაზღაურება.

5. შესყიდვის ობიექტის მიღება-ჩაბარების წესი

- 5.1 საქონელი მიწოდებული იქნება შ.პ.ს. “საქართველოს ტელერადიოცენტრი”-ს შემდეგ სატელევიზიო სადგურებში: ქთბილისის სატელევიზიო გადამცემი სადგური, ჩოხატაურის სატელევიზიო გადამცემი სადგური, ოზურგეთის სატელევიზიო გადამცემი სადგური, ონის სატელევიზიო გადამცემი სადგური, ყვარელის სატელევიზიო გადამცემი სადგური, თელავის (ცივი) სატელევიზიო გადამცემი სადგური, ჯვარის (სოფ.ჩქვალერი) სატელევიზიო გადამცემი სადგური, ბოლნისის სატელევიზიო გადამცემი სადგური. თითოეულ ზემოხსენებულ სადგურში მისაწოდებელი საქონლის ოდენობები დაზუსტდება და მიეთითება შემსყიდველის შესაბამის წერილობით მოთხოვნაში (მიწოდების შესახებ).
- 5.2 საქონელი მიწოდებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდეგ, რომლის საფუძველია ამ ხელშეკრულების 5.3. პუნქტში აღნიშნული დოკუმენტაცია.
- 5.3 მიწოდებულ საქონელს (ყოველ მიწოდებულ პარტიას) თან უნდა ახლდეს ხარისხის დამადასტურებელი სერთიფიკატი ან/და სხვა რაიმე დოკუმენტი, რითაც დასტურდება მიწოდებული საქონლის შესაბამისობა ამ ხელშეკრულების დანართებში წარმოდგენილ მონაცემებთან (პარამეტრებთან) მიმართებაში. ამასთან, მიწოდების პარალელურად, მიმწოდებელმა უნდა წარმოადგინოს შესაბამისი სასაქონლო ზედნადები და საგადასახადო ანგარიშ-ფაქტურა (ანგარიშ-ფაქტურა შესაძლებელია წარმოდგენილ იქნეს ელექტრონული ფორმით).
- 5.4 შესყიდვის ობიექტის (საქონლის) მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად, ამგვარი მოთხოვნის წერილობითი ფორმით გაკეთებიდან არაუგვიანეს 5 დღისა.
- 5.5 შესყიდვის ობიექტის (საქონლის) სრულად მიწოდება უნდა განხორციელდეს არაუგვიანეს 2011 წლის 30 ოქტომბრისა.
- 5.6 საწარმოს ხელმძღვანელების გარდა, შემსყიდველის მხრიდან მიღება-ჩაბარების აქტის ხელმოწერაზე უფლებამოსილია საწარმოს სამეურნეო სამსახურის უფროსი ნ.ცაგურიშვილი (პირადი№01007009372).

6. ხელშეკრულების შესრულების კონტროლი

- 6.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველი საწარმოს ინსპექტირების ჯგუფი შემდეგ თანამშრომელთა შემადგენლობით: ნიკა ცაგურიშვილი; კახა ჭანტურიძე;

7. გაწეული მომსახურების ხარისხი და გარანტია

- 7.1. მიმწოდებელი იძლევა გარანტიას, რომ ხელშეკრულების ფარგლებში მიწოდებული საქონელი შეესაბამება სატენდერო დოკუმენტაციით, მიმწოდებლის სატენდერო წინადადებით და ამ ხელშეკრულებით განსაზღვრულ მოთხოვნებს, სტანდარტებსა და სპეციფიკაციებს.
- 7.2. მიმწოდებელი იძლევა გარანტიას, რომ მის მიერ მიწოდებული საქონელის არ გააჩნია რაიმე ნაკლი ან დეფექტი და იქნება ვარგისი თავისი დანიშნულებით გამოყენებისათვის, წინააღმდეგ შემთხვევაში მიმწოდებელი იღებს ვალდებულებას, რომ, ბრალეული გაჭიანურების გარეშე, საკუთარი სახსრებითა და რესურსებით უზრუნველყოს ნაკლის და დეფექტის აღმოფხვრა, ხოლო მისი ვერ უზრუნველყოფის შემთხვევაში, უსასყიდლოდ შეცვალოს საქონელი. წინააღმდეგ შემთხვევაში მიმწოდებლის ქმედება კლასიფიცირდება როგორც ხელშეკრულების პირობების შეუსრულებლობა, და მასზე გავრცელდება საქართველოს კანონმდებლობით და ამ ხელშეკრულებით გათვალისწინებული პასუხისმგებლობისა და სანქციების საკითხები.

8. ანგარიშსწორება

- 8.1. ანგარიშსწორება მიმწოდებელთან განხორციელდება ლარებში, უნაღდო ანგარიშწორებით, მიმწოდებლის საბანკო ანგარიშზე თანხის გადარიცხვით.
- 8.2. ანგარიშსწორება განხორციელდება საქონლის მიწოდების შემდგომ, ფაქტიურად მიწოდებული საქონლის ოდენობის შესაბამისად, 5.3. პუნქტით გათვალისწინებული დოკუმენტების წარმოდგენისა და მათ შესაბამისად 5.2. პუნქტის საფუძველზე მიღება-ჩაბარების აქტის გაფორმებიდან 10 დღის ვადაში. ამ პუნქტით გათვალისწინებული დოკუმენტების წარმოდგენლობის შემთხვევაში, შემსყიდველი არ მოახდენს ანგარიშსწორებას მიმწოდებელთან.

9. ფასები

- 9.1. წინამდებარე ხელშეკრულების მე-3 მუხლში დაფიქსირებული შესყიდვის ობიექტის (მისაწოდებელი საწონლის) ღირებულება წარმოადგენს ხელშეკრულების ღირებულებით პარამეტრს და მისი შეცვლა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.2. ამ ხელშეკრულების 9.1. პუნქტის შესაბამისად, ღირებულების გაზრდა დასაშვებია მაქსიმუმ 10%-ის ფარგლებში, ამასთან მიმწოდებელი ვალდებულია ფაქტობრივად (შესაბამისი დოკუმენტების წარმოდგენის აუცილებელი პირობით) დაადასტუროს ფასის გაზრდის საფუძვლის დადგომა. ხელშეკრულების ფასის გაზრდა აუცილებლად უნდა გაფორმდეს დამატებითი შეთანხმების აქტის ფორმით და თან დაერთოს ხელშეკრულებას.
- 9.3. ამ მუხლით გათვალისწინებული საფუძვლით ფასის გაზრდის შემთხვევაში, შემსყიდველს უფლება აქვს არ დაეთანხმოს მიმწოდებელს და მოითხოვოს ხელშეკრულების ვადაზე ადრე გაუქმება, ამასთან უნდა უზრუნველყოს ფაქტიურად მიწოდებული საქონლის შესაბამისი ანგარიშსწორება (ცვლილებამდე არსებული ფასით) ამ ხელშეკრულების მე-8 მუხლის შესაბამისად.

10. ხელშეკრულებაში ცვლილებების შეტანა

- 10.1 ხელშეკრულების პირობების გადასინჯვასთან დაკავშირებული ურთიერთობები რეგულირდება მოქმედი კანონმდებლობით.
- 10.2 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 10.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.5 დაუშვებელია ხელშეკრულების პირობების შეცვლა, თუ ამ ცვლილების შედეგად უარესდება ხელშეკრულების პირობები შემსყიდველი ორგანიზაციისათვის, გარდა ამ ხელშეკრულების მე-9 მუხლით გათვალისწინებული შემთხვევისა.

11. უფლების გადაცემა

- 11.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

12. ფორს-მაჟორი

- 12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარო სანქციების გამოყენებას და მიმწოდებლისთვის ხელშეკრულების გარანტიის დაუბრუნებლობას.
- 12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.
- 12.3. ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ, ბრალეული გაჭიანურების გარეშე, უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამომწვევი მიზეზების და აღმოფხვრის სავარაუდო ვადის შესახებ (თუ ეს ყოველივე პროგნოზირებადია).
- 12.4. ამ მუხლის შესაბამისად წარმოშობილი ფორს-მაჟორული გარემოებების შემთხვევაში, ხელშეკრულების შესრულების ვადა (ხელშეკრულებით ნაკისრი ვალდებულებების შესრულების ვადა) გადაიწვეს შესაბამისი დროით, გარემოებათა დასრულების შემდეგ.
- 12.5. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 30 კალენდარულ დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13. მხარეთა პასუხისმგებლობა ხელშეკრულების პირობების დარღვევისათვის

- 13.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 13.2. თუ ხელშეკრულების რომელიმე მხარე დაარღვევს წინამდებარე ხელშეკრულებით ნაკისრ ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 13.3. ხელშეკრულების მოქმედების პერიოდში მიმწოდებლის მხრიდან საქონლის მიწოდებისათვის ამ ხელშეკრულებით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0,07%-ის ოდენობით.
- 13.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, პირგასამტეხლოს გადახდა განხორციელდება მიმწოდებელზე ხელშეკრულებით გადასახდელი თანხიდან გამოკეცივის საშუალებით.
- 13.5. შემყიდველის მიერ ხელშეკრულების 8.2. პუნქტით გათვალისწინებული ვადის დარღვევის შემთხვევაში მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0,07%-ის ოდენობით.
- 13.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 13.7. იმ შემთხვევაში, თუკი ხელშეკრულების რომელიმე მხარეზე დაკისრებული პირგასამტეხლო გადააჭარბებს ხელშეკრულების საერთო ღირებულების 5%-ს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.

14. ხელშეკრულების შეწყვეტა

- 14.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 14.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 10 დღით ადრე.
- 14.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 14.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისთვის გათვალისწინებული პასუხისმგებლობისაგან.
- 14.5 შემყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - ა) თუ შემყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) თუ მიმწოდებელს ხელშეკრულებით გათვალისწინებულ ვადაში არ შეუძლია მიწოდოს მთელი საქონელი ან მისი ნაწილი;
 - გ) თუ აღმოჩნდება, რომ მიმწოდებლის მიერ ფაქტიურად მიწოდებული საქონლის ხარისხი ან/და მასხაითებლები არ შეესაბამება უშუალოდ ტექნიკურ დოკუმენტაციის მოთხოვნებს ან/და ამ

ხელშეკრულების მე-7 მუხლით მოცემულ გარანტიას; ამასთან, მიმწოდებელი ან/ვერ უზრუნველყოფს საქონლის შეცვლა/ჩანაცვლებას არსებულ მოთხოვნებთან შესაბამისობაში მოყვანის მიზნით;

დ) თუ აღმოჩნდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

ე) ამ ხელშეკრულების 13.7 პუნქტით გათვალისწინებულ შემთხვევაში.

ვ) კანონმდებლობით გათვალისწინებულ სხვა შემთხვევებში;

15. დავების გადაწყვეტის წესი

15.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკების მეშვეობით, შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

15.2 მხარეთა შორის შეთანხმების მიუღწევლობის შემთხვევაში საკითხის დავის გადაწყვეტის შესახებ გადაეცემა სასამართლოს.

16. სხვა პირობები

16.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს მხარეთა მიერ ამ ხელშეკრულებით ნაკისრი ვალდებულებების სრულად შესრულებამდე, მაგრამ არაუგვიანეს 2011 წლის 31 დეკემბრამდე.

16.2 ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად.

16.3 ხელშეკრულების განუყოფელი ნაწილია მისი დანართები: -----ის სატენდერო წინადადება (სრულად, სატენდერო დოკუმენტაციის მიხედვით მოთხოვნილი თანდართული დოკუმენტაციით) – “ ----- ” ფურცლად.

16.4. ხელშეკრულებითა და მისი დანართებით გათვალისწინებულ დებულებებს (განსაზღვრებებს) შორის ნებისმიერი შეუსაბამობის შემთხვევაში, ერთმანეთთან მიმართებაში უპირატესობა განისაზღვრება შემდეგი თანმიმდევრობით: 1. ხელშეკრულება; 2. დანართი №1; 3. დანართი №2;

17. მხარეთა ხელმოწერა და რეგვიზიტები

“შემსყიდველი”

“მიმწოდებელი”

შ.პ.ს. “საქართველოს ტელერადიოცენტრი”

მთაწმინდა, ფუნიკულიორის ზედა პლატო;

საიდენტიფიკაციო № 203829250;

სს “საქართველოს ბანკი”-ს ცენტრ.ფილიალი

ანგ№ 025467478; კოდი: BAGAGE22

ტელ: 368116; 506336; ფაქსი:506333

დირექტორი

----- /გ.დეკანოზიძე/

----- /-----/

6. აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდეების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

პრეტენდენტის რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი, გვარი და თანამდებობა:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკი:

ბანკის კოდი:

ანგარიშსწორების ანგარიში:

პრეტენდენტის უფლებამოსილი პირის ხელმოწერა: ----- /-----/

(და ბეჭედი – მისი არსებობის შემთხვევაში)

*****შენიშვნა:** დანართი №2 ივსება პრეტენდენტის მიერ და უნდა აიტვირთოს შესყიდვების ერთიან ელექტრონულ სისტემაში პრეტენდენტის სატენდერო წინადადებასთან ერთად.

ფასების ცხრილი

№	კლასიფიკაციის ტორის ჯგუფი/ კლასი/ კატეგორია	დასახელება ან/და მარკა ან/და სტანდარტი (და მოკლე დახასიათება)	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)
1	44191000	დახერხილი ხის მასალა, მშრალი, (0,04X0,2X3მ), ნამოგანული და რეისმურში გატარებული;	მ³	12		
2	44191000	დახერხილი ხის მასალა, მშრალი, (0,04X0,2X3მ), ნამოგანული;	მ³	9		
3	44191000	დახერხილი ხის მასალა, მშრალი (0,8X0,5X6მ)	მ³	2		
4	44111900	მეტლახის ფილა, (8მმX33სმX33სმ), ფერის შემსყიდველთან შეთანხმებით	მ²	40		
5	44111200	პორტლანდცემენტი (წილით) M400, EN197-1 ევროპული სტანდარტი; ISO 9001-2000 სტანდარტის სერტიფიკატით. 50კგ-იანი ტომრებით;	ტომარა	378		
6	44111200	დეკორატიული ცემენტი 50კგ-იანი ტომრებით;	ტომარა	12		
7	44111200	წებოცემენტი 25კგ-იანი ტომრებით;	ტომარა	10		
8	44111700	თაბაშირმუყაოს ნესტგამძლე ფილა, სისქით არანაკლებ 12,5მმ, სიგრძით არანაკლებ 2,5მ, სიგანით არანაკლებ 1,2მ;	მ²	560		
9	44191200	ლამინირებული იატაკები (სტანდარტული ზომის პლინტუსებით), იატაკები სისქით არანაკლებ 8,3მმ; ხარისხი არანაკლებ L-34;	მ²	223		
10	44192200	ლურსმანი N 120 (სიგრძით 120მმ)	კბ	20		
11	44192200	ლურსმანი N 100 (სიგრძით 100მმ)	კბ	20		
12	44192200	ლურსმანი N 80 (სიგრძით 80მმ)	კბ	30		
13	44192200	ლურსმანი შეკიდული ჭერისათვის (მოთუთიებული) N 30 (სიგრძით 30მმ)	კბ	30		
14	44192200	შიფერის ლურსმანი	კბ	20		
15	44165200	ლითონის კვადრატული მილი 6 მეტრიანი, პროფილით 2X70X70მმ	გრძივი მეტრი	30		
16	44165200	ლითონის კვადრატული მილი 6 მეტრიანი, პროფილით 2X50X50მმ	გრძივი მეტრი	24		
17	44165200	ლითონის კვადრატული მილი 6 მეტრიანი, პროფილით 2X20X20მმ	გრძივი მეტრი	100		
18	44172000	მოთუთიებული თუნუქი 0,5X1000X2000მმ	მ²	30		
19	44172000	მოთუთიებული დაშიფერებული თუნუქი 0,5X900X2000მმ	მ²	24		
20	44172000	დაშიფერებული შავი თუნუქი 0,5X900X2000მმ	მ²	30		

21	44172000	ლითონის ფურცელი სისქით 2,5მმ	მ²	35		
22	44112500	ლინოკრონი I ფენა, ქსოვილზე, ტიპი ТПН, 15მ² რულონებით	რულონი (15 მ²)	32		
23	44112500	ლინოკრონი II ფენა, ქვიშის შემავსებლით, ტიპი ТКП, 10მ² რულონებით	რულონი (10 მ²)	50		
24	44113610	რბილი გადახურვისქვეშა ბიტუმოვანი პრაიმერი	კბ	210		
25	44111100	აგური	ცალი	600		
26	44111600	სამშენებლო ბლოკი 0,2X0,2X0,4მ	ცალი	800		
27	44111520	პენოპლასტის თბოიზოლაციო ფილები სისქით არანაკლებ 5სმ	მ²	130		
28	44112230	ლინოლეუმი, თექაზე ან კაუნუკზე, სისქით არანაკლებ 3მმ, სიგანით არანაკლებ 2მ	მ²	250		
29	44112220	იატაკის რბილი საფარი (კაგრალინი), მუქი ფერი, ერთფეროვანი, ფიგურების გარეშე, სისქით არანაკლებ 8მმ, სიგანით არანაკლებ 2მ	მ²	320		
30	44111510	აკვარიუმის სილიკონი, IDH 1090578, 310მლ ქილებით	ქილა	150		
31	44192100	ქლორვინილის ქაფი, 750მლ ქილებით	ქილა	100		
32	44173000	ხის პლინთუსი, სიმაღლით არანაკლებ 4სმ	გრძივი მეტრი	330		
33	44173000	ხის კუთხოვანა პროფილით 40X40მმ	გრძივი მეტრი	52		
სულ ჯამი:						

პრეტენდენტის უფლებამოსილი პირის ხელმოწერა: ----- /-----/
(და ბეჭედი – მისი არსებობის შემთხვევაში)

*****შენიშვნა:** დანართი №3 ივსება პრეტენდენტის მიერ და უნდა აიტვირთოს შესყიდვების ერთიან ელექტრონულ სისტემაში პრეტენდენტის სატენდერო წინადადებასთან ერთად. აღნიშნული დანართის ყველა ფურცელზე აუცილებელია ხელმოწერა და ბეჭედი (მისი არსებობის შემთხვევაში)